

noch elerlicher besage der brieve von yn beiden daruber eynander gegeben, bekennen wir öffentlich an diesem brieve vor uns und unser beder erben gein allermenniglich, das wir nu noch tode unsers vorgnanten lieben herren unde vaters zeligen mit unserm lieben vettern hertzogen Wilhelme obgnant unde sinen erben den egemelten burgfride zcu Friberg allis sins innhalts und begriffes ernuwet, siner liebe den bie unsern furstlichen wurden 5 und truwen geredt und gelobet, auch widerumb von ym deßglichen geredt und globet uffgenommen haben zcu halten zcu volfuren und gentzlich nochtzukomen in allen sinen stucken punckten artikeln synnen meynungen und begriffungen, als die vorgemelte vorschribunge zewischen unserm lieben vettern und unserm lieben herren und vater zeligen daruber gegeben ußwiesen und nicht mynner, danne als ab dieselbige vorschribung von 10 Worten zcu Worten hirinne ußgedruckt were, ane alle wegerung ußrede intrag argelist und geverde. Darbei haben wir uns mit dem vorgnanten unserm lieben vettern fruntlich beredt, das sien liebe eyn jare und wir bede das ander jare eynen nuwen rat zcu Friberg bestetigen, auch geistliche und wertliche lehen in der zeiti des jares lihen sollen, ab sich die vorfielen, solch lihunge dabie bliben und crefftig sien sal. Und umb den 15 dienst zcu Friberg sal es hinfurder also gehalten werden, das die stat Friberg, auch manne und inwoner der pflege unser itzlichem teil das jar, als es bestetigt und lehen tut, mit dinste geinwertig sien sollen. Begebe sichs aber, das das lant zcu Doringen ader das lant zcu Miessen uß der crone zcu Behemen angegriffen und beschediget wurde, da got fur sie, alßdann solten Friberg stat manne und pflege das helffen wehren 20 und dartzu volgen, doch hynoch unschedelich unser itzlichem teil siner dinsts das jare siner bestetigung wie vorgemelt ist, ane alles geverde. Zcu orkunde dißs brives, daran wir hertzog Ernst unser insigel, des wir hertzog Albrecht gebrechen halben des unsern mit hirtzu gebrechen, fur uns und unser erben wissentlichen thun hencken. Gegeben zcu Wymar am dinstag noch exaudi noch Christi unsers herren geburt tusent vier 25 hundert und im sechß unde sechtzigsten jaren.

344.

Freiberg, 1466 Juni 7.

*Hdschr.: Or. Perg. Rathsarchiv Freiberg K. 24. Das S. an Pergamentstreifen. (Auch Hauptstaatsarchiv Dresden Cop. 58 fol. 205).*

*Ann.: Vergl. No. 337. Mit einem zweiten Drittel desselben Ackers, das auf der einen Seite mit Caspar Specht, auf der andern mit Hans Wighart reimt, wird an demselben Tage Hans Specht beliehen. Hauptstaatsarchiv Dresden Cop. 58 fol. 236.*

*Kurfürst Ernst und Herzog Albrecht beehren Nickel Lose, Bürger zu Freiberg, mit einem Drittel an dem stücke ackers uff dem Schonberge bey dem wege Hilberstorff 35 vor der stad Friberg gelegen, das er von seinem Bruder Jacoff Lose gekauft hat. Zeugen: Cunrat Metzschs ritter amptman zcu Voitsperg, Hans von Mergental cantzler —. Geben zcu Friberg am sonnabende noch unnsers hernn lichnams tage — virtzen hundert unde dornach im sechs und sechtzigsten jarem.*